

Nikmet Lwelah Insiowos in Toasr

Elder Jeffrey R. Holland

Ke U luhn Mwet Sap Singucul Luo

Nga ke in arulacna kahlwem ke nga tulac met liki nien nuhnuhkuh luhn God lah nga sulkackihn nuh facluh...lah Puk luhn Mormon uh pwacye.

Kahs pahluh ke lwen sahflah kwacna luhmweyuck nuh ke mwe ongaiyac luhlaph oacna kusrusr kuh sraci in mongo kuh sronot. Ma inge pahnwacng in puhtatlac kahsrup luhn acn uh kuh fohs ke usyacn kafihrmacn uh ke sie ohiyac kuh siepac.

Tuhsruhktuh oasr sie kain in mwe lokalok ke lwen sahflah ma kwacna ma nuh sin kais sie liki na nuh sin mwet inwuhlihl uh, yohk na nuh sin kais sie liki na u, mwe sensenkackihn se, sah p motkoeyuck muh orekmakihnyuck upac lun Alu uh liki na sahyac. Mwe sensenkackihn luhn Leum lah ke lwen sahflah inge finne elos suc ma ke wuhlweacng sac, mwet na fokoko, kuh in kiyacpweyucklac sin mwet lain ma pwacye. Kuht fin nuhkuh tuh ma se inge oacna in ahkolukye nguhn uh, ma inge kuh in sang kahlwem nuh ke siepac kahs pahluh ke lwen sahflah. Nuhkuh ke at ma oacna akucl se ke infulwen luhlahlfongi lasr uh, acn wolacna ke ma kuht oarui ac ohiacsr oan we, na motko fahk lal Jisus ke lwen sahflah, “insiacn mwet uh [fah muhnahslah].”

Mwe ahkkeye se inge pa, ahok, pa Pahpah tuhmasr Inkuhsrao El etuh mwe sensen nuhkewewa ke lwen sahflah inge, mwe toasr luhn insiac ac nguha inge, ac ituckyang kahsrup ac karihngihnyuck nuh kac.

Ke kahlwem sac ikacslah kahlwem nuh sihk lah Puk luhn Mormon, sie kuhfwen mwe orekma fokoko luhn Leum in srihke in lain fohs ke lwen sahflah inge, muhtwacwacack ke sie puhpuhlyuck na yohk se ke mou, srikasrak ke finsrak lain sahnghweng, ke kahlwem lain lohsh, ke molwelah lain kuhnausyucklac. Ma na kahlwem se lah mwe srikasrak se inge oreklac nuh ke len lasr uh, ac fal kuht in orekmakihn in len lasr uh.

Ke ararama lal Lehi, fuhfahsryucsr tikucukucl tari se sulpacna upaclac ke ohkohkalah se sikyak kosrwaclah in tiac liyeyuck inkacnek suwohs tuhsruhk ohsrihksrihk se ma sucu se lal ah ac kuhtuh sahyac ukwe uh. Arulacna yohk srihpac na pwacye in akihlen lah ohkohkalah se inge puhtati afuhnlah mwet forfor *nuhkewa*: mwet oaru ac mwet fokoko (kuht kuh in fahk muh mwet sollac) oacyacpac mwet muhnahs ac elos suc wacngihn kahlwem la. Ma yohk ke mwe luti se inge pa mwet forfor kuhtanglah inge lain mwe ahkfohs uh, weacng ahksruhksruh ac isracsr inkuhsra lalos suc fahsr tukun inkacnek koluk. Elos suc karihngihnyuck uh sruokyac na kuh lwesahk osra se ma ukwe na inkacnek in mouh uh. Finne lohshlohsh fong uh *kuh* lwen uh, osra se inge mahkiyac inkacnek soko fanna nuh ke inkacnek in molwelah, inkacnek soko fana ma use mouh ma pahtpaht.

Nephi el fahk tohkoh lah lwesahk osra sacn pa kahs luhn God ma kohllah nuh ke sahk in moul, tuh pa inge aholyen luhngse luhn God. In liye ma kahlwem ke luhngse luhn God, Nephi el fahk lah el ngetlah ac liye Mwet in Molwelah luhn facluh, suc som ac luti nuh sin mwet uh ke kuh ac wolacna. Nephi el liye mwet pucspucs suc mas, ac suc puhlakihn ma upac ke kain in mas pucspucs, ac ke nguhn fohkfohk. Elos onweyucklac ke kuh luhn Lahm nuhtin God; ac nguhn fohkfohk ac ma koluk sisilac.

Luhngse. Onwe. Kahsruh. Finsrak. Kuh luhn Kraist fah ekuhllah mwe tikuckucl in pacl e nuhkewa--- weacng pacl sahflah luhn facluh. Pa ingacn nien monglac se God El kena nuh sesr in pacl upac nuh sin sie kuh nohfohn. Pa ingacn pweng se ma Puk luhn Mormon muhtwacwacack ac sahflah kac uh, in sulie los nuhkewewa in tuhkuh nuh yurun Kraist ac ahksuwohsyeyucklac in El. Pohloh kahs se ingacn ma itucklac ke luhlalhfongi kuh sahflah se lal Moroni ah, sihmlac ke yac tausin sie tukun ararama se lal Lehi ah, pa luhlalhfongi kuh ke inkacnek pwacye luhn sie mwet suc misac.

Yac nga kuh in luhma nuh ke sie luhlalhfongi kuh misenge ke lwen sahflah? Ke Joseph ac tamuhlwel wiyac, Hyrum, mukuiyak nuh Carthage Jail in sun ma eltal etuh muh eltahl ac acnwucki. In ahkwoye insiacn tamuhlwel se wiyac ah, Hyrum el riti kahs luhn Leum nuh sel Moroni, “Kom oaru, ke ma inge nuknuk lom an ac fah nwacnwacslah. Kom ac fah oreklac in fokoko, finne in muhta ke acn suc nga ahkolah in lohmi sin Pahpah tuhmuhk.” Na Moroni el wihlkacslac nwe ke na elos fah ohsun ye muhtuhn siyah in nuhnuhkuh luhn Leum.

Pa inge kuntu pohloh kahs fototo ke sapta 12 in Puk lal Ether ke Puk luhn Mormon. Met liki kauli puk sac, Hyrum el lihmihiyac sisen sra puk se el riti ah, mahkiyac tuh in ipin fahkwack ke luhlalhfongi kuh ma pahpaht suc tamuhlwel luo inge apkuhran in misac kac. Nga sruokyac puk sac in pouk, puk se pacna Hyrum el riti ah, lihmlihm ke sra puk sac srakna oan kuh in liyeyuck. Tohkohyang ke eltahl kacpous in Carthage Jail, Joseph suc Mwet Pahluh el foracng nuh sin mwet topang ma kacpousilyac ah, ac fwahkwack luhlalhfongi na fokoko lal ke ma muhtahl pwacye ke Puk luhn Mormon ac ke fohlohkihiyuckyak luhn wosac. Kihiti pacl tohkoh likacsihk ac soht eslah moul luhn mukul srihkeyuck luo inge.

Oa sie sin ip tausin ke luhlalhfongi kuh luhk sifacna ke muhtahliyacn Puk luhn Mormon nga fihliyac ma se inge muh sie pac mwe ahkpwacye ke ma pwacye inge. Pa inge pacl in enenuh---na yohk se emet---ac sahflah lalos, nga siyuck sum---yac mwet inge kahs kohu ye muhtuhn God in ahkwoye moul lalos, ahkfuhlwact lalos ac sifacna suk ke moul ma pahpaht ke sie puk (ac in sulaclah sie alu ac sie orekma) ma elos sifacna sramtweack ke ma tiac pwacye?

Nimet sang in weacng kuh nuhkuh lah muhtwacn kiaclos ah ac apkuhran in katinmas lac ac tuhlik nahtuhlos wacngihnlac pahpah tuhma. Muhlkunlah lah kitin u suc ukwaclos ac kuhruhn “wacngin lac lohmi selos, muhkahimtacl ac wacngihn kawuck lalos” ac tuhlik nahtuhlos uh fah fihliyac “falkaclos ke srah” fin infacl aelac ac fin acn mahmah upac. Muhlkunlah lah un mwet pucspucs fah misac ac un

mwet pucspucs sahyac moul in fahkwack nuh sin srowasrihk ahkosr fin facluh nohfon lah elos etuh tuh Puk luhn Mormon ac Alu uh fahkwack tuh ma inge ma pwacye. Muhlkuhnlac ma ingacn kwewa ac fahk nuh sihk lah ke na ao in misac luhn mwet luo inge elos fah ilyak nuh yurun Mwet Nuhnukuh Ma Pahtpaht lalos sruhmuhn ke mislac konweyuckyak in sie puk suc, fin tiac kaks luhn God, fah akihlenyuck elos oacna mwet kikiacp ac suhlallacl nwe ke na sahflah? *Elos koflah in oru ma ingacn!* Eltahl macnsiskuhnlah in misac liki na in lahfwekihn ma muhtahl ac ma pwacye ma pahtpaht ke Puk luhn Mormon.

Ke lusen yac siofok itngucul-yuc, puk se inge sirapeiyuck ac lainyuck, lahfwekihnyuck ac ahkmuhsahliyuck, suleyucklac in ahkolukyeyuck ac suhfanyuck sahp sonna sikyak ohinge nuh ke puk sahyac ke sramsram mahtuh luhn alu misenge---sahp tiac orek ke puk sahyac ke oacna sie alu. Ac inge puk se inge srackna tu kuh. Tiac orekma, pacl puhs mwet ahkolukye inge tuhkuh ac som---kacl Ethan Smith nuh kacl Soloman Spaulding nuh ke mwet suc lain upac nuh ke mwet orekma lukmac.

Wacngihn kuhtwena top sahyac nuh ke puk se inge tu kuh ke pacl se sirapeiyuck uh mweyen *wacngin top sahyacn* ma se Joseph el sang oa mwet lweng fuhsr la. Ke ma se inge nga tu wi pahpah mahtuh-tuhmuhk suc fahk ohinge, “Wacngih mwet koluk kuh in suhmuhsalah sie puk oacna inge, ac wacngin mwet wo kuh in suhmuhsalah, finte ma inge pwacye ac God el sapkihn nuh sel in oruh.”

Nga fahkwack lah wacngihn sie kuh in sun luhlalfongi fohnlah ke orekma ke lwen sahflah inge---ac inge kuh in konwacack wolacna luhn mislac ac wo in pacl lasr---nwe ke na elos karihnguhnwacng ma muhtahl ke Puk luhn Mormon ac Leum Jisus Kraist suc puk se inge fahkwack kac.

Fin *oasr sie* suc lahlfon kuh tahfonglac inkacnek la ma forlah liki ac sruhnga sra puk 531 ke ma sihmlac tari tiac eteyuck ma seseslah ke sramsram pwengpweng ac kain kaks Semitic upac a in tiac srihke na pwacye in ahkuhtweyac kuh sokwack lah sra puk ingoh tuhkuh oyac me---yohkna wacngihn loh fokoko lalos ke Jisus Kraist ac usren ma sikyak nguhnnguhn suc loh kac uh ingena miliacn mwet riti---ac elos inge, finne elos mwet sollac sin God kuh tiac, kiyacpweyucklac, ac elos fin fahsr liki Alu se inge, elos enenuh in lain kuh sruhnga orekmakihn Puk luhn Mormon na elos kuh in fahsr liki Alu uh. Ke ohiyac sacn puk se inge pa Kraist sifacna El fahk muh --“sie yot in tikuclkucl... sie yot in oruh mwet uh in ikori,” sie mwe kohsrkohsr ke inkacnek nuh selos suc sulaclah in tiac luhlalfongi. Mwet loh, finne mwet loh ma laenuhl Joseph ke kuhtuh pacl, fahkwack nwe ke na misac lalos lah elos liye lupufacn se ac elos sruok puhlwet ah. “Ma inge utuckuh kuht liye ke kuh luhn God, ac tiac sin mwet,” elos fahk. “Ke ma inge kuht etuh na pwacye lah orekma se inge pwacye,”

Nga tiac weluhl Lehi tu kuh Nephi kuh tamuhlwel wiyac Jared ah in tuhpalah meoa ac akwucki ke sie facl sasuc se. Nga tiac lohng ke Tohkohsrah Benjamin el oruh sramsram lal suc ituckyang nuh sel sin sie lupufacn. Nga tiac weluhl Alma ac Amulek ke elos luti kuh loh ke fihrihyak luhn mwet luhlalfongi wo.

Nga tiac wi un mwet Nephi ma kahl kihnet kacn Leum Moulyak, kuh tiac weluhl Mormon ac Moroni tuhngi ke kuhnanuelac luhn muhtuhnfael na fohn se. Tuhsruhkh luhlhlafongi kuh luhk ke ma sihmlac inge ac mislah se ma puk se inge use nuh insiacn mwet uh fokoko oacna ac kahlwem oacpacna luhlhlafongi kuh lalos ah. Oacna eltahl, “Nga sang inek nuh sin facluh, in loh nuh sin facluh ke ma *nga liye*.” Ac oacna eltahl, “nga tiac kikiacp, God El mwet loh kac.”

Nga siyuck lah luhlhlafongi kuh luhk ke Puk luhn Mormon ac ma nuhkewewa ma ahkkahlemyeyuck kac uh, ituckyang ke sramsram se inge ke fuhlahk luhk (kuh olwelah muhtahl lah ma inge pwacye) ac oacna ofohs luhk ke pristut, in sihmlac sin mwet fin facluh ac lupufacn inkuhsrao.

Nga finsrak in oasr kuhtuh yac luhlah luhk ke “sahflahiye” mouh luhk uh, tuhsruhkh fin ne oasr kuh tiac, nga luhngse in arulacna kahlwem ke nga tu ye muhtuhn nuhnukuh luhn God lah nga fahkwack nuh facluh, ke kaks suwohswohslacna ke kuhiyuck nohfohn, lah Puk luhn Mormon uh pwacye, lah puk se inge tuhkuh oacna ke Joseph el fahk kac, ac utuckuh in use finsrak ac engan nuh sin mwet nuhkewa suc puhlakihn ma upac ke lwen sahflah inge.

Loh luhk oacna mwe loh lal Nephi suc suhmushlah kuhtuh ip ke puk sac ke “lwen sahflah” *lah*.

Kuht enenuh in porongo kaks inge ac luhlhlafongi Kraist. Ac kuht fin tiac luhlhlafongi ke kaks inge, kuht enenuh in srackna luhlhlafongi Kraist. Ac kuht fin luhlhlafongi Kraist kuht fah luhlhlafongi ke kaks inge, tuh ma inge pa kaks luhn Kraist, ac kaks inge luti mwet nuhkewa lah elos enenuh in oruh ma wo.

Ac ma inge fin tiac kaks luhn Kraist, kuht enenuh in sifacna sulacnah---tuh Kraist El fah ahkkahlwemye nuh sesr, ke kuh ac wolacna, lah ma inge kaks lal, ke lwen sahflah. Ac kuht ac Nephi fah tulac ye nuhnukuh lal; ac kuht fah etuh lah Kraist El sapkihn nuh sel Nephi in suhmushlah ma inge ac pihlacsrelah muhnahs lal.

Tamuhlwel ac tahmtahel, sruokyac na lwesahk osra sac. Esam mwe fahkwack se inge sel Jisus Sifacna, lah el suc liyacacng kaks Lal ac fah tiac kiyacpweyucklac---ac ke lwen sahflah insiom kuh luhlhlafongi lom an fah tiac muhnahslah. Ke ma inge nga fahkwack ke insiuck kewa, ke inen Jisus Kraist, amen.